

Ikasleen ESKUBIDEAK

1. Hezkuntza integrala izateko eskubidea.

Oinarritzko gaitasunak, edukiak, lan-ohitura eta garapen armonikoa bultzatuko dira.

2. Ikasle adingabeen eskubidea arreta berehala jasotzeko.

Kasu hauei buruz hitz egiten ari gara: tratu txarren aurrean, haurren babesik gabeko edo arrisku egoeren aurrean, eskolatze-adineko ikasleren bat eskolatu gabe dagoenean edo absentismo maila handia duela antzematen denean.

3. Ikastetxeak babesteko ikasle adingabeek duten eskubidea.

Ikastetxeak ikasleen ohorea, intimitatea eta irudi pertsonala babestuko du.

4. Errendimendu akademikoaren balioespen objektiboa izateko eskubidea.

Ikasleen dedikazioa, ahalegina eta errendimendua objektibotasunez aintzat hartuko da. Eskubide honen berme gisa ebaluazio-saioen ondoren ikasleei eta beraien familiei informazioa emango zaie; kalifikazioan eragina izango duten lanak, ariketak eta probak zuzendu ondoren ikusteko aukera emango zaie, hala eskatuz gero.

5. Eskola eta lanbide-orientaziorako eskubidea.

Orientazio hau ikasleen trebetasun, gaitasun eta interesetan oinarrituko da; sexuan edo beste zirkunstantzietan oinarritzen direnak baztertuz.

6. Osotasun, nortasun eta duintasun pertsonaleko eskubidea.

Ez zaie inoiz tratu iraingarririk emango. Edozein eraso fisiko edo moralen aurkako babesa izango dute eta ikasleek zalantza izpirik gabe irakaslearengana, tutorearengana eta ikasketa buruarengana joko dute jarritako orden honetan.

Eskola-eremuan ez da inola ere tabakoa, alkohola edo bestelako drogarik edukitzen eta kontsumitzen utziko.

7. Kontzientzia-askatasunerako eskubidea.

Erlijioaren irakaskuntza aukeratzeak edo ez, ez du diskriminaziorik eragingo.

8. Ikastetxeetan biltzeko aukera.

Aurretiaz behar diren baimenak eskatuz gero, ezarritako prozedurari jarraituz. Hirugarren mailatik gorako ikasleek eskoletara bertaratzeari buruz hartzen dituzten erabaki kolektiboak ez dira jokabide desegokitzat hartuko, beti ere ikastetxeak dituen arauak jarraitu badira.

9. Adierazpen-askatasunerako eskubidea ikastetxeetan.

Espazio eta momentu batzuk daude horretarako, ezarrita dagoen erara.

10. Ikasleek elkartzeko duten eskubidea.

11. Parte hartzeko eskubidea.

Gela bakoitzak bere ordezkaria hautatuko du. Ordezkari hauek parte hartuko dute ordezkarien bileretan eta ebaluazio saioetan. Ordezkari-tza Organo Gorenean ere ikasleen ordezkariak izango dira. Beste ekintza batzuetan (jaialdiak, etab.) ikasleen ordezkariak egongo dira.

12. Informazioa erabiltzeko eskubidea.

Ordezkarien eskutik informazioa jasotzeko eskubidea dute.

13. Aukera-berdintasunerako eskubidea.

Batez ere hezkuntza premia bereziak dituzten ikasleak, arlotako gabeziak eta desabantailak konpentsatzeko behar dituzten laguntzak jasotzeko eskubidea da hau.

14. Gizarte-babesarako eskubidea.

Alde batetik, gaixotasun luze edo istripuen kasuetan ospitaleko eskolan edo etxez-etxekeko laguntza jasoko du eskola errendimendua ziurtatzeko.

Bestetik, ikastetxeak babes-neurriak hartu behar ditu berdinen arteko tratu txarren kasuetan, eskola-jazarpenen eta emakumeen aurkako erasoen kasuetan.

15. Ikastetxean ikasleen eskubideak errespetatzen direla bermatzea.

Ikasle guztiek ezagutu behar dute, beraienak eta beste ikasleen eskubideak zeintzuk diren.

Irakasleek zainduko dute hemen aipatutako eskubideak betetzen direla eta ikasleen artean diskriminazio egoerarik gerta ez dadin arduratuko dira.

Ikasleen BETEBEHARRAK

1. Ikasteko betebeharra.

Bere gaitasunak al bait gehien garatzeko ikastea eta ahalegina egitea.

Behar adineko lana egingo du eta behar den interesez.

Lan giro egokia sortzen eta eusten lagundu behar du.

Azterketak eta ariketak egiterakoan zintzo jokatu behar du.

2. Prestakuntza-jardueretan parte hartzeko betebeharra.

Interesa jarri behar du, agintzen diren lan pertsonalak eginez eta lan-taldeetan lagunduz.

3. Bertaratzeko betebeharra.

Egunero etorriko da, puntualtasunez eta absentiak justifikatuz.

Gurasoek sinatutako hutsegite jakinarazpen agiria irakasle bakoitzari erakutsi eta sinatu eta gero tutoreari eman beharko dio ikasleak.

4. Bizikidetzaren errazteko betebeharra.

Ikasleek eskola bizikidetzaren hobetzeko eta ikasteko giroa egokia lortzeko lagundu behar dute.

Ikasleek jokabide desegokien edo bizikidetzaren aurkakoak diren jokabideen neurri zuzentzaileak aplikatzeko lagundu behar dute, hala eskatzen bazaie.

5. Norberaren kontzientzia-askatasuna errespetatzeko betebeharra.

Ikasleek, ikaskideen erabakiak errespetatu beharko dituzte.

Ikasleek ez dute hezkuntza-komunitateko kide bakar bat ere iraindu, mehatxatu edo difamatzeko adierazpenik egingo.

Ezin izango da grabazio-baliabiderik erabili, salbu programatutako jardueretan. Eta inoiz ez, grabatua izatea nahi ez duenari.

6. Eskolako arauak errespetatzeko betebeharra.

Antolakuntza eta Jarduera Araudia eta Bizikidetzaren Arautzea, antolamenduaren edota diziplinaren ingurukoak, batez ere, errespetatu behar dira. Besteak beste tresnak edo aparatu elektronikoak erabiltzeko araututa dagoena, atsedenaldietan eskola eremutik kanpo egin daitezkeen irteerei buruz edo irteeretan erakutsi behar den portaerei buruzkoak.

Irakasle eta irakasle ez diren jarraibideak bete beharko dira.

Hezkuntza-neurri zuzentzaileak betetzeko betebeharra ere badute.

7. Instalazioak errespetatzeko beharra.

Ekipamendua, material didaktikoa, instalazioak eta altzariak modu egokian eta bere helburuetarako erabili behar dira.

Baimenik gabe ikasleek ez diote kanpoko inori ikastetxean sartzeko aukera erraztuko, eta ez da bidegabe sartu den inorekin ibiliko bertan.

Ikasleek hezkuntza-komunitateko gainerako kideen gauzak errespetatu behar dituzte.

Ikasleek ikastetxeko testu liburuak eta material didaktikoa erabilera onean mantendu behar dituzte.